



GOUVERNEMENT
DE LA POLYNÉSIE FRANÇAISE

RURURAA A TE MAU FAATERE HAU PARAU HAAPAPA

Mahana toru, 4 tetepa 2024

Ua putuputu te mau Faatere Hau i teie mahana toru nei. I roto i te mau puta parau i tuatapapahia, ua haamanahia te mau puta parau i muri nei :

- Tuhaa moni faataahia no te haamaità i te oraraa âmui o te mau ôire.....2
- Tarena no te mau tupuraa òhipa rarahi a te Faatereraa o te Pû o te Autaeaèraa, o te Ûtuafare e te Âfaiitoraa (DSFE) no te âvaè atopa e titema3
- Parau Faaau Hau Farani/Hau Fenua no nià i te Pû a te nuu faèhau faaauhia i Porinetia farani nei (RSMA-PF)4
- Te 23raa no te taime a faatupuhia ai te hepetoma no te Europa, i nià i te parau no te Utaraa taata, e haapaò atoàhia i te fenua nei5
- Faatureraa i nià i te moana no te *Hawaiki Nui Vaa Solo*6
- Tauturu moni i te mau fare haapiiraa, i te mau Pû a te Hau e te mau taatiraa hiroà tumu .7
- Tauturu moi i te mau taatiraa tuàro9



- RURURAA A TE MAU FAATERE HAU -

Tuhaa moni faataahia no te haamaità i te oraraa âmui o te mau ôire

Ua haamana te Faatereraa Hau e faataa 12 mau tauturu moni i na ôire 10 no Porinetia farani nei. Teie mau tauturu moni, ua tapaò tiàhia ia mai roto atu i te Hau fenua e te Pû no te Faahoturaa i te mau Ôire (DDC), no te paèpaè ia i te mau ôpuaraa na roto i te faahoturaa, ia au i te mana e mauhia ra e te mau ôire.

I teie mahana, e piti tau reni rarahi no te tauturu moni e ìtehia nei : te hooraa mai i te mau tauihaa faufaa no te tere maitàraa no te mau piha òhipa a te mau ôire e te faatupuraa i te mau òhipa no te haamaità i te mau paturaa e vai nei.

Te reni matamua no te tauturu moni tei te pae ia no te hooraa mai i te mau tauihaa/ materia, ma te haafaukaa i te pae no te haamaitàraa i te òhipa i roto i te mau piha a te mau ôire.

No reira, i Uturoa, e fanaò te ôire i te tahi tauturu moni no te hooraa mai i te tahi pereoo taipu nainai, te hoê pereoo no te mau piha òhipa o te faatereraa, na reira atoà i te tahi pereoo hiviraa taata, no te faito moni e **17 445 250 F CFP**. E mau tauihaa faufaa roa teie no te haamaità i te òhiparaa i nià i te taha, i te pae no te paturaa, na reira atoà i te pae no te mau piha òhipa i te mau mahana atoà.

I to ratou pae, Taputapuatea, Mahina e o Taiàrapu Hitiaa o te Ra, **19 722 500 F CFP** o ta ratou i fanaò no te hoo mai i te mau pereoo no te mau mutoi ôire, haamaità atu a i te arairaa.

E o Raïroa, Rurutu e o Fakarava ua haafanaòhia ia i te tauturu moni no te hoo mai i te tahi mau pereoo taa ê, tano maità no te mau òhipa taa ê i roto i ta ratou mau piha òhipa, i te pae ihoa ra no te pû òhipa rau, no te tahi faito moni e **8 298 470 F CFP**. Teie mau fauraò i hoohia mai ua riro atoà ia, èiaha noa, no te faaâpi e te monoraa i te mea tahito, ua riro atoà ei faaòhieraa e te haafatataraa atu a i te nunaa.

Te piti no te reni no te tauturu moni, te tutonu ra ia i nià i te faatupuraa òhipa e te haamaitàraa i te mau paturaa e vai nei.

Ua fanaò te ôire no Arue i te tuhaa matamua no te tauturu e au no te faanaho i te vahi haùtiraa na mau tamarii i nià i te tuhaa fenua o “Hirione”, piihia “Vaipoopoo”, na roto i te tahi tauturu moni e **4 104 054 F CFP**. O te mau tuatapaparaa teie i ravehia e te âpeeraa i te mau tapura òhipa, te mau tauturu no te paturaa e te mau òhipa atoà, amuri aè ia e faataahia atu ai.

I Punaauia, hoê tauturu moni matamua e **6 535 933 F CFP** tei horoàhia no te haamauraa i te mau mori i te aroâ “Leeteg”, e na roto i te tahi atu a mau tauturumoni i muri nei no te haamaitàraa i te purumu o teie aroâ.

Ei faahoperaa, te ôire no Tumaraa tei haamata i te tatai i te mori e te uira no ta na fare tuàro “Austin Hunter” i Tevaitoà, ia au i te mau titauraa a te Ture, no te tahi tuhaa moni e



2 101 800 F CFP, tei faaïte mai i te faufaa e horoàhia nei i te parau no te parururaa e te arairaa àti e na reira atoà hoì i te parau no te faaâpiraa i te mau tahua tuàrora.

Ia âmuihia, e tià ia parauhia e, teie mau ôpuaraa tei nià i te faito e **120 005 177 F CFP** no tuhaa faahoturaa, e **58 208 007 F CFP** amohia e te Hau Fenua, oia hoì tei nià ia i te 48,5% no te tuhaa âmui.

Teie tuhaa tauturu te haapâpû noa ra ia i te hinaaro rahi o te Faatereraa o te Fenua i te paèpaè i te faahoturaa o te fenua, ma te pahono na roto i te mau raveà ìtehia, i te mau hiaairaa o te mau ôire no te tahi faanahonahora tano e te au maitaì o to tatou fenua.

Tarena no te mau tupuraa òhipa rarahi a te Faatereraa o te Pû o te Autaeaèraa, o te Ûtuafare e te Âifaitoraa (DSFE) no te âvaè atopa e titema

Te Mono-Peretiteni, Faatere Hau no te Autaeaèraa, tiàau i te Ûtuafare, te Tiàraa o te Vahine, te Feia Paruparu, e te Faatuàtiraa i te mau Pû Òhipa a te Hau, teie e faaara nei i te tahi mau tupuraa òhipa faufaa roa o te tupu atu mai te âvaè atopa e tae atu i te âvaè titema 2024. Ua faanahohia teie mau tereraa òhipa e te Faatereraa no te Autaeaèraa, no te Ûtuafare e te Âifaitoraa(DSFE), piha òhipa a te Hau, e òhipa nei i raro aè i te arataìraa a te mono-peretiteniraa, e tutonu nei i nià i te haafaufaaraa no te tupuraa o te maitaì e te faaitoitoraa i te mau faatuàtiàtiraa o te oraraa âmui no roto i te rauraa o te mau tereraa òhipa.

Tupuraa òhipa faufaa :

1- Te Mahana no te Feia Paari i te ao nei « Matahiapo »

- Taiò mahana : 1 atopa 2024
- Te vahi : Te Peretiteniraa
- Te Fâ : Faahanahana te mau auraa e tuàtiàtiraa i rotopû i te mau uì e faaitoito i te mau matahiapo i roto i ta ratou tuhaa. E 520 rahiraa taata o te âmui i roto i teie faanahora.

2- Te Mahana no te Tiàraa Mana o te Tama, i te oa nei

- Taiò mahana : 20 novema 2024
- Te Fâ : Haafaufaaraa i te Tiàraa Mana e te tupu maitaìraa o te mau tamarii i roto i to ratou oraraa, ma te haamanaò i te haamanaraahia te Parau Faaau a te Hau Âmui i nià i te Tiàraa Mana o te Tama.

3- Te Mahana Arairaa i te Hamani Ìnora a te Vahine, i te ao nei

- Taiò mahana : 25 novema 2024
- Tereraa òhipa : faanaho i te hororaa autaeaè “Te Âruì no te Hororaa” i te 23 novema i te Âua no Paòfai, tià hanahanahia mai e Mareva GALANTER.



4- Te Mahana no te Feia Huma, i te ao nei

- Taiò mahana : 3 titema 2024
- Tutonuraa : te faaara tamau i te parau no te fariiraa e te Tiàraa Mana o te feia huma na roto i te mau vahi faaiteitèraa, te mau faaararaa e te mau tauà-parauraa i roto i te mau âfata teata.

5- Te Mahana no te Feia e faataa nei i to ratou taime no te tauturu rau, i te ao nei

- Taiò mahana : 6 titema 2024
- Te Vahi : te Âua no Paòfai
- Te Fâ : haafaufaa i te tiàraa o te feia e faataa nei i to ratou taime no te tauturu i roto i te tuhaa no te faaravaàraa faufaa, te totiare, na roto i te mau vahi faaiteitèraa i ta ratou tuhaa òhipa.

6- Te Noera no te feia aita e nohoraa pâpû

- Taiò mahana : 19 titema 2024
- Te Vahi : Te Peretiteniraa
- Te faufaa : te ôpereraa i te maa veèveà, te àhu e te maa hinaarohia i te mau mahana atoà, no te tauturu i te feia aita e nohoraa pâpû.

7- Noera no te Autaeaèraa

- Taiò mahana : 20 titema 2024
- Te Vahi : Âua no Paòfai
- Te Fâ : Haapautuuturaa i te autaeaèraa ote oraraaâmui na roto i te òhipa e te ôpereraa no te maitai o te mau ùtuafare i roto i te fifi e te tamarii.

Te rahiraa no teie mau tereraa òhipa te faaite noa mai ra ia i te tautooraa a te Pû òhipa totiare a te Hau (DSFE), ia maitai te oraraa totiare e te tuàtiàti maitairaa o te oraraa âmui. Ua hinaarohia e faatupu teie mau òhipa no te haapautuutu te mau auraa e no te nati hoê te mau uì atoà i roto i te autaeaèraa.

Parau Faaau Hau Farani/Hau Fenua no nià i te Pû a te nuu faèhau faaauhia i Porinetia farani nei (RSMA-PF)

I roto i putuputuraa a te mau Faatere Hau, te Faatere Hau no te Òhipa a te Hau, no te Tiàraa Òhipa, no te Òhipa, no te Faaâpiraa i te oraraa o te faatereraa Hau, no te Faahoturaa i te mau Taa-motu e no te faaineineraa i nià i te tiàraa òhipa, o tei tuu mai i te tahi ôpuaraa parau faaoti no te haamana i te parau faaau i rotopû i te Hau Farani e te Hau Fenua no nià i te Pû o te nuu faèhau faaauhia (RSMA6PF) no te tau 2024-2026. Te haapâpû nei teie parau faaau i te faanahoraa, te mau raveà, na reira atoà i te tuhaa tatai-tahi a te RSMA-PF, a te Hau Farani e ta te Hau Fenua i roto i te mau tuhaa no te pae o te faaineineraa, te pae no te totiare e te pae no te òhipa.



Teie parau faaau âpi, te ìriti nei ia i te ûputa no te arairaa i te paruparu i te pae no te taiò e te papaì, arai atoà i te mau tamarii e faaruè nei i te haapiiraa, arai hoì i te ôvere noaraa, e e riro atoà ra ei faaôhie i te mau taureàrèa i roto i te faaineineraa i te RSMA-PF, i te faaô i roto i te tahi tiàraa òhipa.

E na roto i te faaôraa i roto i te nuu, te haapâpû nei te RSMA-pf e tapaòhia teie mau taureàrèa i roto i te Pû tapaòraa ìa e tihepuraa rave òhipa a te Hau (SEFI). Teie arataàraa ua hinaarohia ia ei faaineine maitàraa i ta ratou ôpuaraa no te òhipa e no te haapâpû i te âpeeraa i te taata tataì-tahi. Hau atu, i te pae hopeà no te tau faaineineraa, e riro te mau parau atoà no ta ratou tau faaineineraa e te tau òhiparaa i te faatià hope roahia i roto i te Pû o te SEFI ia noaa te tahi âpee tamauraa.

Te feia e faaô i te RSMA, e faanaò atoà ratou i te tahi tiàraa na roto i te parau no te Utaraa i roto i te faaineineraa i nià i te tiàraa òhipa, ma te âpitihia mai e te LADOM, a tià atu ai ia ratou e faaô i roto i te faaineineraa no te titau i te tahi parau tuìte i Farani.

I te roaraa no ta ratou tau faaineineraa, e faanaò atoà te mau tià i te mau vahi maìmiraa òhipa e i te mau tuhaa haapiipiiraa nahea ia tiàau i te tahi totaiete, faanahohia âmuihia e te RSMA-pf. Teie mau raveà te faatoro ra ia i nià i te faaineine maitàraa i ta ratou ôpuaraa no te faaô i roto i te ao no te òhipa.

Te tauturu pâpû nei te Hau Fenua i te faatupuraa òhipa i roto i te tau roa ma te horoà i te feia âpi tei hinaaro, i te tahi mau arataàraa no te faaineineraa e te tau haapaariraa i nià i te tiàraa òhipa e faanahohia nei e te SEFI e tae noa atu i te mau Pû rau atoà a te Hau i roto i te faaineineraa i te tiàraa òhipa. Hau atu i te reira, te titaaraa i te tahi òhipa no te tau roa, e riro te reira i te faaôhiehia na roto i te tahi mau arataàraa tauturu i te faatupuraa taiete e te ìmiraa òhipa.

Ia au i te ìrava ture 169 e 170-1 no te ture o te papa ture fenua, titauhia e ia tuuhia te ôpuaraa parau faaau i mua i te Apooraa Rahi no te haamana i te reira.

Teie ôpuaraa faaotiraa, o te tahi tuhaa faufaa roa i roto i te haapautuuturaa i te òhipa âmuiraa i rotopû i te Hau farani, te RSMA-pf e te Hau Fenua, no te horoà i te feia âpi o te fenua nei i te mau raveà atoà e manuia ai i roto i to ratou oraraa e i roto i ta ratou òhipa.

Te 23raa no te taime a faatupuhia ai te hepetoma no te Europa, i nià i te parau no te Utaraa taata, e haapaò atoàhia i te fenua nei

Te Faatere Hau no te mau Paturaa Rarahi, no te mitoraa tauihaa, e Tiàau atoà i te Utaraa na te Reva, na te Fenua e te Moana, teie e òhipa tamau nei no te haamaità e te faarau i te parau no te Utaraa taata, no te tau roa.

Ìnaha hoì, i te fenua nei, 77% no te Utaraa, te faaòhipa nei ia tatou i to tatou iho pereoo, o te faatupu hoì te reira i te mau fifi rau, mai te mau àti purumu, te mauraa e te ôtaaraa te mau pereoo, te viiviraa hoì o te reva (i te matahiti 2021, 33% haaviiviraa o te reva i te fenua nei, no roto mai ia i te parau no te Utaraa).



No te faaitoito i te nunaa i te maïti i te faanahoraa no te utaraa âmui, te faaâhiparaa i te pereoo mataëinaa, te haereraa na raro, e aore ia te faaâhiparaa i te pereoo taataahi, ua faaoti te Faatereraa Hau i teie mahana 4 tetepa 2024, e âmui o Porinetia farani, i pihai iho i na tauatini hau mau ôire, i te 23raa no te taime a faatupuhia ai, te hepetoma no europa no te parau no te Utaraa taata.

I teie matahiti, e vaù mahana o tei faanahohia e to ratou mau tumu parau tatai-tahi, e e ono mahana ua faataa atoàhia ia te tahi mau haùti, e tupu te reira mai te monire 16 e tae atu i te tapati 22 tetepa 2024, e ua faanaho taa êhia te tahi rautiraa i te tapati 29 tetepa :

- Mai te 16 tetepa 2024 e tae atu i te 22 tetepa 2024 i te 12H : haereraa na raro ;
- Mai te 17 tetepa 2024 e tae atu i te 22 tetepa 2024 i te 12H : hoê haùti i nià i te nati-reva ;
- I te 18 tetepa 2024 : “photomobile” (faanahoraa pataraa hohoà) ;
- I te 20 tetepa 2024 : te maïmiraa i te titeti âuro ;
- I te 21 tetepa 2024 : te mau haùti i nià i te nati-reva ;
- I te 29 tetepa 2024 : te hoê ìmiraa faufaa.

E no te ìmi i te raveà ia âmui mai te taata i roto i teie mau faanahoraa e tuàti i te parau no te Utaraa no te tau roa, E faanaho mai te Faatereraa Hau o te Fenua, mai roto atu i te Faatereraa no te Utaraa, i te tahi mau Rê, mai te pereoo taataahi e tere i te uira, te faaineineraa no te parau faahororaa pereoo, e aore ia, te faahororaa âpeehea, hoê atoà Rê, hoê mahana tamaa e tamaruraa tino i Tahiti nei, e aore ia te tahi Rê no te tahi tauihaa rima ì.

E faarahia te mau Rê i te 1 atopa 2024, e tae noa atu i te tahi vauvauraa parau i mua i te mau papai veà o te tupu atu ia i te mahana maha 3 atopa 2024 i roto i te ôpereraa Rê.

Faatureraa i nià i te moana no te *Hawaiki Nui Vaa Solo*

E tupu toruraa no te hoeraa vaa Hawaiki Nui Vaa Solo mai te 19 e tae atu i te 21 tetepa, o te haafanaò ia tatou e toru tau mahana tatauraa rahi mau. E tataù atu te feia hoe i nià i te hoe atearaa 91 km o tei tatuhaahia e toru aè tuhaa. Te tuhaa matamua, mai Tautira e Hitiaa, te piti o te tuhaa, mai Hitiaa e Mahina, e te tuhaa hopeà mai te ôutu no Tefauroa (Pointe Vénus) e faahope i Moorea.

Taa noa atu ai te reira, te mau hoeraa « Hawiiki Tama », Hawaiki Matuatua Hine” e “Hawaiki Para Vaa” e tupu ia i te 20 tetepa i Mahina.

Te mau faatureraa o te tià ia faaturahia no te tupu maitàraa o te hoeraa

Ua haamauhia te hoê faatureraa no te arairaa e te paruru maitàraa te feia hoe na reira atoà i te feia mataitài. E i roto i te reira, te vaira ia te ôpani ètaètaraa i te teretereraa, te tûtauraa e tae noa atu i te mau òhipa nià i te moana, i te mau vahi faarevaraa e tapaeraa atoà o te mau vaa, tae noa atu i te tahi mau vahi e taime taa ê i roto i te hoeraa. O te mau poti anaè tei faataahia e tei maïtihia e te tomite faatere o te hoeraa, te fariihia e tere i roto



i tau mau vahi ra, ma te uta i te mau tapaò ìtehia pâpûhia. Teie ra, èita te mau poti no te mau arai fifi e no te parururaa i te taatoàraa e ô i roto i teie faatureraa.

Te feia noa atu e òre e faatura i teie nei faatureraa taa ê, ia au i te titauraa a teie parau mana, e riro ia ratou i te faahapahia ia au i te mau faautuàraa no te tuhaa 4 (4ème classe).

Te Faatereraa no te mau òhiipa o te Moana no Porinetia nei (DPAM) tei e haamanaò atoà mai nei, e te mau raatira tataì-tahi o te mau poti atoà te feia tiàau matamua roa, i te haapaòraa ia òre to ratou poti ia uta i te taata, hau atu i te rahiraa e fariihia. Hau atu i te reira, titauhia e ia tapaòhia te mau poti (ia ìtehia te PY) ia ineine noa te mau tauihaa arairaa fifi i titauhia ia au i te tuhaa (catégorie) e te rahiraa taata i nià i te poti.

Tauturu moni i te mau fare haapiiraa, i te mau Pû a te Hau e te mau taatiraa hiroà tumu

Na roto i te aniraa a te Faatere Hau no te Haapiiraa, no te Haapiiraa teitei e te Hiroà tumu, ua haamana te faatereraa Hau e faataa i te mau tauturu moni i te pae no te faaòhiparaa, i te mau fare haapiiraa, i te mau Pû a te Hau e i te mau taatiraa no te hiroà tumu, i nià i te faito e **58 650 288 F CFP**.

Teie i muri nei te ôpereraa :

Fare haapiiraa-Pû a te Hau / Taatiraa no te Hiroà Tumu	Tauturu moni	Faito
Taatiraa Mataèinaa Vaka no UaPou	Tauturu moni faataahia i te pae no te tereraa òhipa no te amo i te ôpuaraa topahia "Hana Tumu 24", no te matahiti 2024	2 200 000
Taatiraa Te Haa Nui	Tauturu moni faataahia no te tereraa òhipa no te amo i te tere i te "Te Moana Nui Traditional Game i Vaihi", no teie matahiti 2024	1 200 000
Taatiraa Caméléon	Tauturu moni faataahia no te tereraa òhipa no te amo i te ôpuaraa topahia "Taipurakau, no teie matahiti 2024	1 500 000
Taatiraa Caméléon	Tauturu moni faataahia no te tereraa òhipa no te amo i te faaàteraa i te haùti teata taata ora "Keshi", i Raiatea, no teie matahiti 2024	1 800 000
Taatiraa Tore Tore	Tauturu moni faataahia no te tereraa òhipa no te amo i te faatupuraa i te haùti taviri teata na te tamarii topahia "Ruruki e te mau tiaì o te moana" no teie matahiti 2024	1 500 000
Taatiraa Faa Ruperupe	Tauturu moni faataahia no te tereraa òhipa no te amo i ta na mau tereraa òhipa atoà, no teie matahiti 2024	1 750 000



Taatiraa “Artistique, Culturelle et d'Education Populaire des Apprentis Comédiens (A.D.A.C.)	Tauturu moni faataahia no te tereraa òhipa no te amo i te tahi tuhaa no te faanahoraa o te taùrua teata taata ora i Raïroa, no teie matahiti 2024	1 000 000
Taatiraa “All in One Dance Tahiti”	Tauturu moni faataahia no te tereraa òhipa no te amo i to na tere i te faanahoraa “Hip-hop International World 2024” i Los angeles, no teie matahiti 2024	1 000 000
Taatiraa Faaravaianuu	Tauturu moni no te tereraa òhipa no te amo i te faatupuraa i te taùrua topahia “Meho iti e”, no teie matahiti 2024	1 078 000
Taatiraa Papara e moe i te ahinavai	Tauturu moni faataahia no te tereraa òhipa no te amo i to na tere i te Heiva Nui Pasifika 2024	3 439 219
Taatiraa no te Totaiete no te Tuatappaparaa o te mau moana (S.E.O.)	Tauturu moni no te tereraa òhipa no te amo i te neneiraa i te mau puta iti a te Totaiete no te mau tuatapapara o te mau moana (BSEO) e te ìri hohoà no te mau puta, i roto i ta na tereraa òhipa àmui, no teie matahiti 2024	2 000 000
Taatiraa “Yes we dance”	Tauturu moni no te tereraa òhipa no te amo i ta na mau tapura òhipa atoà, no teie matahiti 2024	1 250 000
Taatiraa na Hiro e Pae	Tauturu moni faataahia no te tereraa òhipa no te amo i te faatupuraa i te Heiva Nui a te Tuhaa Pae, no teie matahiti 2024	10 000 000
Te Fare Iamanaha Fare vairaa tauihaa tahito no Tahiti e te mau motu	Tauturu moni no te tereraa òhipa no te amo i te faatupuraa i te mau faaiteleraa e te mau taùrua no te hiroà tumu, no teie matahiti 2024	6 000 000
Te Fare Iamanaha, Fare vairaa tauihaa tahito no Tahiti e te mau motu	Tauturu moni faataahia no te tereraa òhipa no amo i te tiàauraa e te haamaitàraa i te mau òhipa i haaputuhia i te Fare Iamanaha, no teie matahiti 2024	11 000 000
Te Fare Iamanaha, Fare vairaa tauihaa tahito no Tahiti e te mau motu	Tauturu moni faataahia no te tereraa òhipa no te amo i te puòiraa òhipa no te tuhaa maitiraa e faataaraa i te mau òhipa e faaitēitehia e te Fare Iamanaha, no teie matahiti 2024	6 000 000
Fare haapiiraa Tuarua no Hakahau – Ua Pou	Tauturu moni faataahia no te faahoturaa no te amo i te faaàpiraa i te raveà faaara no te fare haapiiraa	4 183 069
Taatiraa no te feia nenei puta no Tahiti e te mau motu (AETI)	Ôpuaraa parau mana no haapàpû i faataaraa i te tauturu moni no te tereraa òhipa no te amo i te ôpuaraa no te faataa i te tahi vahi no te feia papai puta, 2024	750 000



Taatiraa Fare no te mau Piahi no Hao	Tauturu moni faataahia no te tereraa òhipa no te amo i te ôpuaraa topahia "I roto i te arataàraa o Pele... tere no te hiroà e te haapiiraa i Vaihi", no te matahiti 2024	1 000 000
ÂMUIHIA		58 650 288 F CFP

Tauturu moi i te mau taatiraa tuàro

Na roto i te aniraa a te Faatere Hau no te Tuàro, no te Feia Âpi, no te Arairaa i te mau òhipa iino, e Tiàaaui hoì i te Rima Ì, ua haamana te Faatereraa Hau e faataa ite mau tauturu moni no te tereraa òhipa e te faahoturaa, i te mau taatiraa tuàro, i nià i te hoê faito e **1 260 936 F CFP**.

Teie i muri nei te huru no te ôpereraa o teie mau tauturu moni :

I te pae no te tereraa òhipa

- Tauturu i te taatiraa Tamarii Te Uira Tahiti Boxing Club, no te amo i te faatupuraa e piti tau faaineineraa i te pae o te motoraa, no te hoê tuhaa moni **330 936 F CFP**.

I te pae no te faahoturaa

- Tauturu i te taatiraa no te haamaità i te haamaòna i Taiàrapu, no te haamaui i te tahi mau mori e àma i te Ito mahana, na reira atoà i te tahi âfata uira, no te turama i te mahora maònaraa, no te tuhaa moni e **250 000 F CFP** ;
- Tauturu i te Taatiraa Polynesia Taekwondo (FTTDA i mua ra), no te hoo mai i te tahi tahua taputoraa, no te hoê tuhaa moni e **680 000 F CFP**.